

osnovu čl. 12. stav 1. tačka j, 13. stav 1. tačka e. i 18. stav 1. tačka b. Ustava Kantona Sarajevo («Službene novine Kantona Sarajevo», br. 1/96, 2/96, 3/96, 16/97, 14/00, 4/01 i 28/04), čl. 3. i 6. Zakona o ustanovama («Službeni list RBiH», br. 6/92, 8/93 i 13/94) i čl. 71. i 96. Zakona o socijalnoj zaštiti, zaštiti civilnih žrtava rata i zaštiti porodice sa djecom («Službene novine Kantona Sarajevo, br. 16/02, 8/03 i 2/06), Skupština Kantona Sarajevo je, na sjednici od 01.9.2006. godine, donijela

O D L U K U
O OSNIVANJU KANTONALNE JAVNE USTANOVE
DOM ZA DJECU BEZ RODITELJSKOG STARANJA

Član 1.
(Osnivač i status ustanove)

(1) Kanton Sarajevo (u daljem tekstu: Osnivač) osniva Kantonalnu javnu ustanovu Dom za djecu bez roditeljskog staranja (u daljem tekstu: Dom za djecu).

(2) Dom za djecu bez roditeljskog staranja ima svojstvo pravnog lica, koje stiče upisom u sudski registar kod Kantonalnog suda u Sarajevu.

Član 2.
(Naziv i sjedište ustanove)

(1) Naziv ustanove je: Kantonalna javna ustanova Dom za djecu bez roditeljskog staranja.

(2) Sjedište Doma za djecu je u Sarajevu, ulica Bjelave broj 52.

Član 3.
(Djelatnost i organizacione jedinice)

(1) Djelatnost Doma za djecu je:

a) pružanje usluga cjelokupnog zbrinjavanja, odgoja, školovanja, zdravstvene zaštite djece bez roditeljskog staranja i djece čiji je razvoj ometen porodičnim prilikama do navršениh 18 godina života, a izuzetno na prijedlog Centra za socijalni rad, Dom za djecu na smještaj i zaštitu prima i djecu kojoj je potrebno obezbijediti završetak započetog školovanja,

b) pružanje organizovane i individualne stručne pomoći za uspješno savladavanje programa odgoja i obrazovanja štićenika.

(2) Dom za djecu može koristiti usluge dječijih vrtića i drugih ustanova, u cilju bolje socijalizacije svojih štićenika.

(3) U Dječijem domu može se, uz prethodnu saglasnost Ministarstva za rad, socijalnu politiku, raseljena lica i izbjeglice Kantona Sarajevo, kao organizaciona jedinica osnovati Prihvatište za trudnice i samohrane majke sa djecom do 6 mjeseci starosti.

(4) Organizacione jedinice unutar Doma za djecu nemaju svojstvo pravnog lica.

Član 4.
(Šifra djelatnosti)

(1) Šifra djelatnosti Doma za djecu određena je prema Odluci o standardnoj klasifikaciji djelatnosti («Službene novine Federacije BiH», br. 28/98, 36/98 i 47/98) i glasi:

(2) 85.3185.310 Socijalna zaštita u ustanovama sa smještajem.

Član 5.
(Način promjene djelatnosti)

Dom za djecu može proširiti ili promijeniti djelatnost iz člana 3. ove odluke, o čemu odluku donosi Osnivač.

Član 6.
(Sredstva za osnivanje i odgovornosti u pravnom prometu)

(1) Objekti i oprema koje je Dom za djecu preuzeo na korištenje od bivšeg Dječijeg doma "Ljubica Ivezić" Sarajevo su svojina osnivača.

(2) Dom za djecu je takođe preuzeo prava i obaveze bivšeg Dječijeg doma "Ljubica Ivezić" Sarajevo.

(3) Za svoje obaveze Dom za djecu odgovara svom svojom imovinom – potpuna odgovornost.

(4) Osnivač Doma za djecu je odgovoran za obaveze ove ustanove do visine osnivačkog uloga.

Član 7.
(Izvori i način obezbjeđivanja sredstava)

(1) Sredstva za rad Doma za djecu obezbjeđuju se iz:

- a) Budžeta Kantona Sarajevo,
- b) ličnog učešća korisnika,
- c) donacija,
- d) drugih izvora, u skladu sa zakonom.

Član 8.
(Način raspolaganja sredstvima)

Dom za djecu raspoláže sredstvima u skladu sa Zakonom o izvršavanju Budžeta Kantona Sarajevo.

Član 9.
(Odgovornost i obaveze ustanove prema Osnivaču)

(1) Dom za djecu je odgovoran Osnivaču za rezultate svog rada i djelovanja u svim oblastima za koje je nadležan.

(2) Obaveze Doma za djecu prema Osnivaču su da:

- a) pribavi saglasnost Osnivača kod svih statusnih promjena (promjena naziva, sjedišta, djelatnosti i drugih promjena utvrđenih zakonom),
- b) da jedanput godišnje Osnivaču podnosi izvještaj o poslovanju,
- c) druge obaveze utvrđene zakonom.

Član 10.
(Organ upravljanja i način imenovanja)

(1) Organ upravljanja u Domu za djecu je Upravni odbor.

(2) Predsjednika i članove Upravnog odbora imenuje i razrješava Vlada Kantona Sarajevo u skladu sa zakonom i podzakonskim aktima.

(3) Upravni odbor se sastoji od pet članova od kojih se, u pravilu, jedan član imenuje iz reda stručnih zaposlenika ustanove.

(4) Predsjednik i članovi Upravnog odbora imenuju se na period od četiri godine i mogu biti ponovo imenovani.

(1) Direktor ustanove ne može biti član Upravnog odbora.



Član 11.
(Način razrješenja organa upravljanja)

Vlada Kantona Sarajevo može razriješiti predsjednika i članove Upravnog odbora i prije vremena na koje su imenovani u skladu sa zakonom.

Član 12.
(Usklađivanje opštih akata)

Upravni odbor je obavezan da u roku od 30 dana od dana stupanja na snagu ove odluke uskladi opšte akte ustanove sa odredbama ove odluke i zakonom i podzakonskim aktima.

Član 13.
(Saglasnost na akte)

Saglasnost na osnovni opšti akt Pravila, kao i opšti akt kojim se uređuju plaće, organizacija rada, druga važna pitanja između zaposlenika i poslodavca, kao i organizacija i sistematizacija poslova Doma za djecu daje Ministarstvo za rad, socijalnu politiku, raseljena lica i izbjeglice Kantona Sarajevo.

Član 14.
(Organ rukovođenja i način imenovanja)

- (1) Organ rukovođenja u Domu za djecu je direktor.
- (2) Direktora imenuje Upravni odbor na osnovu javnog konkursa, uz saglasnost Vlade Kantona Sarajevo.
- (3) Uslovi za imenovanje direktora utvrđuju se u Pravilima ustanove u skladu sa zakonom.

Član 15.
(Vršilac dužnosti direktora)

- (1) U periodu do imenovanja direktora, poslove predstavljanja i zastupanja Doma za djecu će obavljati vršilac dužnosti direktora, kojeg imenuje Upravni odbor.
- (2) Vršilac dužnosti direktora ima sva prava i dužnosti koje po zakonu ima direktor.
- (3) Vršilac dužnosti direktora može rukovoditi Domom za djecu do imenovanja direktora, a najduže 6 mjeseci, od dana njegovog imenovanja.
- (4) Upravni odbor je dužan imenovati direktora u roku od 60 dana od dana imenovanja Upravnog odbora.

Član 16.
(Organ kontrole poslovanja)

- (1) Organ kontrole poslovanja Doma za djecu je Nadzorni odbor koji se sastoji od tri člana.
- (2) Predsjednika i članove Nadzornog odbora imenuje i razrješava Vlada Kantona Sarajevo, u skladu sa zakonom i podzakonskim aktima.
- (3) Jedan član Nadzornog odbora se imenuje, u pravilu, iz reda stručnih zaposlenika ustanove.

Član 17.
(Nadzor nad radom ustanove)

Nadzor nad zakonitošću rada Doma za djecu vrši Ministarstvo za rad, socijalnu politiku, raseljena lica i izbjeglice Kantona Sarajevo.

Član 18.
(Upis u sudski registar)

Na osnovu ove odluke izvršiće se, na zahtjev ovlaštenog lica, promjena upisa ustanove u sudski registar.

Član 19.
(Prelazna odredba)

(1) Organ rukovođenja, upravljanja i nadzora i lica izabrana u te organe nastavljaju sa radom do isteka vremena na koje su imenovani.

(2) Dom za djecu nastavlja sa radom po odredbama ove odluke i preuzima zaposlenike koji nastavljaju sa statusom koji su do sada imali, sredstva, opremu, arhivu i dokumentaciju, sredstva za rad, finasijska prava i obaveze ove ustanove.

Član 20.
(Završna odredba)

Stupanjem na snagu ove odluke prestaje da važi Odluka o preuzimanju prava osnivača Javne ustanove Dječijeg doma "Ljubica Ivezić" Sarajevo ("Službene novine Grada Sarajeva", broj 10/92) i Odluka o preuzimanju prava osnivača Javne ustanove Dječiji dom "Bjelave" Sarajevo ("Službene novine Kantona Sarajevo", broj 11/97).

Član 21.
(Stupanje na snagu)

Ova odluka stupa na snagu narednog dana od dana objavljivanja u "Službenim novinama Kantona Sarajevo".

Broj:01-05-25655/06
01.9.2006. godine
S A R A J E V O

PREDSJEDAVAJUĆA
SKUPŠTINE KANTONA SARAJEVO

Melina Alić, prof.



Na osnovu čl. 12.stav 1. tačka j), 13. stav 1. tačka e) i 18. stav 1. tačka b) Ustava Kantona Sarajevo („Službene novine Kantona Sarajevo“, br. 1/96, 2/96, 3/96, 16/97, 14/00, 4/01 i 28/04), čl. 3., 6., 26, 33. i 34. Zakona o ustanovama („Službeni list RBiH“, br. 6/92, 8/93 i 13/94) i čl. 71. i 96. Zakona o socijalnoj zaštiti, zaštiti civilnih žrtava rata i zaštiti porodice sa djecom („Službene novine Kantona Sarajevo“, br. 16/02, 8/03, 2/06 i 21/06), Skupština Kantona Sarajevo je, na sjednici održanoj dana 26.09. 2007. godine, donijela je

O D L U K U

o izmjeni i dopuni Odluke o osnivanju Kantonalne javne ustanove Dom za djecu bez roditeljskog staranja

Član 1.

U Odluci o osnivanju Kantonalne javne ustanove Dom za djecu bez roditeljskog staranja („Službene novine Kantona Sarajevo“, broj 27/06), član 11. (Način razrješavanja organa upravljanja), mijenja se i glasi:

„Član 11.

(Način prijevremenog razrješavanja organa upravljanja, organa rukovođenja i organa kontrole poslovanja)

Vlada Kantona Sarajevo će razriješiti predsjednika i člana Upravnog odbora, direktora i predsjednika i člana Nadzornog odbora Ustanove i prije vremena za koje je imenovan, ako utvrdi da je odgovoran za neuspješan ili nezakonit rad ustanove, na njegov lični zahtjev, u slučaju da Skupština Kantona Sarajevo ne usvoji Izvještaj o poslovanju Ustanove, odnosno Izvještaj o radu sa Izvještajem o finansijskom poslovanju Ustanove i u drugim slučajevima utvrđenim zakonom i pravilima ustanove.

Pravilima Ustanove će se precizirati posljedice mogućeg neusvajanja Izvještaja o poslovanju, odnosno Izvještaja o radu sa Izvještajem o finansijskom poslovanju Ustanove, kao i postupak i način razrješavanja predsjednika i člana Upravnog odbora, direktora i predsjednika i člana Nadzornog odbora Ustanove i prije vremena za koje je imenovan.“.


Član 2.

Ovlašćuje se Zakonodavno pravna komisija Skupštine Kantona Sarajevo da utvrdi prečišćeni tekst Odluke o osnivanju Kantonalne javne ustanove Dom za djecu bez roditeljskog staranja.

Član 3.

Ova Odluka stupa na snagu osmog dana od dana objavljivanja u „Službenim novinama Kantona Sarajevo“.

Broj:01-05-24529/07
26.09.2007. godine
S A R A J E V O



e-mail: sks@ks.gov.ba; www.ks.gov.ba
Tel: + 387 (0) 33 562-055, + 387
Fax: + 387 (0) 33 562-210
Sarajevo, Reisa Džemaludina Čauševića 1





Na osnovu čl. 12. stav 1. tačka j), 13. stav 1. tačka e) i 18. stav 1. tačka b) Ustava Kantona Sarajevo („Službene novine Kantona Sarajevo“, br. 1/96, 2/96, 3/96, 16/97, 14/00, 4/01 i 28/04), čl. 3. i 6. Zakona o ustanovama („Službeni list RBiH“, br. 6/92, 8/93 i 13/94) i čl. 71. i 96. Zakona o socijalnoj zaštiti, zaštiti civilnih žrtava rata i zaštiti porodice sa djecom („Službene novine Kantona Sarajevo“, br. 16/02, 8/03, 2/06, 21/06 i 17/10), Skupština Kantona Sarajevo je, na sjednici održanoj dana 07.05. 2012.godine, donijela je

O D L U K U
o izmjenama i dopuni Odluke o osnivanju
Kantonalne javne ustanove Dom za djecu bez roditeljskog staranja

Član 1.

U Odluci o osnivanju Kantonalne javne ustanove Dom za djecu bez roditeljskog staranja („Službene novine Kantona Sarajevo“, br. 27/06 i 31/07), član 4. mijenja se i glasi:

„Član 4.
(Šifra djelatnosti)

Šifra djelatnosti Doma za djecu određena je prema Odluci o klasifikaciji djelatnosti Bosne i Hercegovine 2010 („Službeni glasnik Bosne i Hercegovine“, broj: 47/10) i glasi:

- 87.90 Ostale djelatnosti socijalne zaštite u ustanovama sa smještajem
88.99 Ostale djelatnosti socijalne zaštite bez smještaja, d.n.“

Član 2.

U članu 9. u stavu (2) u tački b), iza riječi „poslovanju“, dodaju se riječi: „i godišnji Program rada ustanove“.

Član 3.

Član 17. mijenja se i glasi:

„Član 17.
(Nadzor nad radom ustanove)

- (1) Nadzor nad zakonitošću rada i nadzor nad stručnim radom Doma za djecu vrši Ministarstvo za rad, socijalnu politiku, raseljena lica i izbjeglice Kantona Sarajevo.



(2) Inspekcijski nadzor nad zakonitošću rada Doma za djecu vrši Kantonalna uprava z inspekcijske poslove Kantona Sarajevo."

Član 4.

Ovlašćuje se Zakonodavno-pravna komisija Skupštine Kantona Sarajevo da utvrdi Prečišćeni tekst Odluke o osnivanju Kantonalne javne ustanove Dom za djecu bez roditeljskog staranja.

Član 5.

Ova odluka stupa na snagu osmog dana od dana objavljivanja u „Službenim novinama Kantona Sarajevo“.

Broj: 01-05-16939/12
07.05.2012. godine
SARAJEVO



PREDSJEDAVAJUĆA
SKUPŠTINE KANTONA SARAJEVO

Prof. dr Mirjana Malić



web: <http://skupstina.ks.gov.ba>
e-mail: skks@ks.gov.ba
Tel: + 387 (0) 33 562-055, Fax: + 387 (0) 33 562-210
Sarajevo, Reisa Džemaludina Čauševića 1

